



100 pengusaha koko bersama kakitangan sertai Bengkel Pemantapan Gerak Kerja C-Team LKM

RANAU: Seramai 100 orang terdiri daripada para pengusaha koko bersama staff Lembaga Koko Malaysia (LKM), dari Semenanjung, Sabah dan Sarawak menyertai Bengkel Pemantapan Gerak Kerja C-Team LKM di Lohan Rest House (LRH) di sini bermula 8 Oktober lalu dan akan berakhir pada 11 Oktober ini.

Program kali-3 itu, bertujuan meningkatkan permuafakatan dan tanggungjawab dalam memantapkan Gerak Kerja C-Team selain menjadi satu strategi dan pendekatan yang lebih efektif dan berkesan ke arah meningkatkan produktiviti koko.

Pengarah Bahagian Pemindahan teknologi dan pengembangan LKM yang juga Pengerusi bersama Jawatankuasa pelaksana, Haji Mohd Zamri Bin A. Ghani dalam satu sesi taklimat pengenalan bengkel mengharapkan program itu, menjadi landasan perkongsian pengalaman dan kaedah inovasi terbaru dalam pengurusan tanaman koko bersama peserta LKM.

"Selain itu, bengkel seumpama ini dapat menetapkan hala tuju baharu bagi memastikan tanaman koko tetap relevan seiring dengan peningkatan produktivitinya," katanya.

Menurut Mohd Zamri majlis penutupan bengkel tersebut, dijangka disempurnakan Timbalan Menteri Kementerian Industri Utama, Shamsul Iskandar Haji Mohd Akin, akan turut dihadiri Ahli Ranau merangkap Pengerusi Lembaga Koko Malaysia, Jonathan Yasin.